

留公部

長西正

徐近之敬呈

徐近之教授著

英美間吟



鄒承銓

朱部

自序

二十年前吾師鄞縣張其昀（曉峯）先生著本國地理嘗於每章後附前賢名詩一二首藉以說明該區之代表人情風物著者受其影響故遊內蒙時於旅途自學綴句存留者名曰駝背行吟藏遊歸途中亦有類似之作業自刊爲橫斷吟稿今是篇乃最近八年留學英美課外消遣之作顏曰英美閒吟都四百零二首著者除十二歲前曾於私塾讀千家詩唐詩三百首外併平仄而不知無論韻律也各篇類多呵成而始錄出加以旅中無書可稽錯韻失粘之處定不在少有時知而不改蓋改之則非本意且不自然也幸親戚師友哂正之更以至誠敬獻於

曉峯先生之前以示不忘教澤方今大事如斯閒吟自可休也是爲序

中華民國三十六年二月江津徐近之於南京六朝松下之教習房



美、閒吟

讀非理普生氏歐洲地理

(Phillips, Europe)

索賦



(南)

民國十七年樊氏母去世一年後始得歸家爲文祭之曾記無意
 中有「儘十年內兒當西去深研以爲國家效力」一語今時間
 已滿個人隨中央大學至嘉陵江上幸得費師孟教授代購歐洲
 地理讀之亦聊以自慰耳

廿七年五月

正是杜鵑啼血時有懷難吐盡情詩思親留得十年淚且讀茲編嚮往之

新重九日乘中航水上機由渝飛漢轉港赴英到漢書寄內子二

首 二十七年九月

重九新時行色老空濠宇水與塗山滿城風雨妻兒念晚下南湖竹報還

川漢雲間鳥一征羊城前路是香城蜀山嶺海風塵客待把吟情付戰聲【民國十四年余溯漳江至五華尋宗族溝通川粵同宗譜系廿六年由康藏內返又到粵此去爲第三次】

粵漢車中寄新寧鄧啓東兄

九月十一日

彷彿鴻驚秋氣早輕車遷客過衡陽經年異向經同路建業倫敦腳志鄉

廣九路上

九月十三日

黃沙鐵路九龍連向晚行來興倍妍一路停多途遲到逢車必讓亦欣然【因避敵機車全夜行由港至漢軍火運輸頻繁故軍誤點至四五時之久】

到新嘉坡

九月廿一日

慈航南海三千里五日無風水一潭深愛馬來似閩粵新洲權作國門看

遊柔佛

九月廿一日

過盡長堤上馬來天南一角畫圖開新山草木新樓閣多少僑胞血肉堆

檳榔嶼

九月廿四日

新洲一日到橫城始識天涯若比鄰有廟崇蛇著中外無人不解粵閩音

舟過阿慶頭 (Acheen Head) 入孟加拉灣 九月廿五日

阿慶山前落日斜孟加灣上泛仙槎西南風盡尙無意東北潮生應有涯
一得綠艚排萬浪多情遊子逐飛花
夕陽無限煙雲感縱動鄉思興也賒

可命波卽目 九月廿八日

雨後乾坤妙變虹飲港門錫蘭權借我天竺舊歸元混沌知時近興亡至理存防波堤內客愁詠對黃昏

中秋夜月下望阿比西尼亞不見憶其亡國痛史不禁慨然因以「

不堪回首月明中」一句湊成轆轤四絕時舟初入紅海 九月七日

不堪回首月明中海客天涯思靡窮鳥兔吐吞空歲月乾坤浮蕩滿雲風
錦繡山河虜餓雄不堪回首月明中但能武漢今年保抗戰圖存展望宏
愴悽阿國過天方興盡悲來竟如許不堪回首月明中天上何年我何語
白人船上歡銀夜紅海波中恨日紅紅白爲刀向魚肉不堪回首月明中

蘇彝士運河大苦湖舟次聞江西大捷 十月十一日

紅海舟中多惡耗蘇彝河上望平蕪皇軍兩萬成新鬼喜到人間大苦湖

月下舟出運河入地中海過雷賽銅像時賦此 十月十一日

平沙百哩鑿洪溝海國浮宮載我遊非亞羅分雷氏始星光明月照千秋

地中海上讀寰球雜誌 (Sphere) 始識明興會議瓜分捷克等情信

筆書感 十月十三日

白浪藍天伴客舟人間苦悶事橫流况當弱肉強吞日祇讀新聞可白頭

隴河 (Rhône River) 秋色 十月十七日

葡萄園滿水晶球霜葉頻添日色偷馬賽舍舟爲捷徑西來先看隴河秋

過巴黎 十月十七日

繁華今後吾能道明日倫敦此物隨罪惡文明消長處燈紅酒綠看巴黎

聞武漢廣州相繼淪敵痛賦 十月二十三日

甫自香城到愛城如何國破似秋聲異鄉花草故鄉淚遊子悲歌學子情豈有貔貅無鬥志得毋奸賊已橫行
傷心太息憑誰說充滿人間怨與驚

元旦遲起 用皇甫冉春思韻民國二十八年

退河以外度新年，雨雪霏霏感萬千。
愛邑淒迷徒益鬱，神州風雨直無天。
萬錢縱酒消除夕，一枕吟詩半日眠。
國步艱難當力學，客情既憤我悠然。〔退河〔Tyne River〕以北爲蘇格蘭〕

生日自警

五載邊遊二載師，徒增馬齒有爲遲。
空悲國難仇初急，多亂邦興我自知。
同軌同文無限恨，一心一德逕須持。
半生合否開新頁，勵志天涯一首詩。

詩賀胡肖堂老師掌中央大學地理學系十年紀念 三月六日

太平勦勑歸航日，建業東南地學初。
氣象更張權北極，巍巍亞陸有誰如。
〔竺太夫子可楨號藕舫東南大學時代創地學系繼開辦氣象研究所於北極閣以爲明代欽天山觀象台之續〕

欽天俯瞰六朝松，舊地成賢太學宮。
三兩南高東大後，中央名實足稱雄。
〔中央大學校址即明之太學成賢街之名始於明代以其傍太學也至兩江三江南京高師東南大學皆現時中央大學之前身〕

奮造艱難繼更難，步趨徒衆匹於藍。
江南錦繡添湘影，地理終成一系看。
〔民國十八年地理獨立成系由胡師任主任鄞縣張其昀師湘鄉黃國璋師任教授〕

學府名垂卅十年，彌黃推教出京先。
三分宏範離滄合，佳話長留後學傳。
〔張師先夫資委會隨往浙江大學〕

黃師則去北平師範大學】

驚起蘆溝又滬濱滔天倭禍速吾新憂移西蜀系云慶字水塗山正好春

於戲主任陽羨出白馬景從向歐陸著書氣學舉國無立說蘇圖與淮錄【宜興爲古陽羨乃胡師故鄉胡師在法係從布嶺（J. Brunhes）與德馬東（E. de Martonne）研究師之鉅著已有氣候學黃河誌氣象編

江蘇圖誌兩淮水利鹽墾實錄等】

京滬過覽過川行春去秋來冠日驚一氣呵成天府誌川興之學震金聲【胡師於到川後即著成四川地理此詩係當時恭頌者】

演進師分系定分於今氣象立新門應歡自信宜如許竺氏光榮華氏魂【黃廈干先生原名應歡地理系成

立氣象門由彼主持竺太太子在哈佛大學攻氣象學其師爲華德（Robert D. Ward）】

十載樹人堂備宵同時奄有秀君賢春風桃李爭輝甚留學生徒歲有添【胡師母桂秀君甚賢淑近五年來留英公費考試地理方面錄取者幾一半爲胡師門人】

幾度拋書萬里遊地文實例取神州門牆忝及慚無進維慶新猷詠舊歡

愛城春意

五月廿六日

五月花時豔特濃美人將乳盪春風春城祇有傾城在獨樂無如衆樂公島國經年芳草碧神州遍地血流紅

東西差異平衡日舉世堯天舜日中

泰湖

(Roch Tay) 六月十二日

空濛水色又山光影隻形單兩脚忙不憶江南也惆悵茫茫相對泰湖長
高原漫與真情溢萬水千山每大呼雨後乾坤還更妙情人心事不相如
湖山烟雨本無奇祇惜峯巒倒影迷青海天湖歸馬後麒麟人在泰湖西
【麒麟湖西端之小鎮余嘗宿焉】
誰識夕陽無限好羨魚臨水向黃昏泰湖在望江南遠莫學人歸隱鹿門

夏令至蘇北高原旅行者其汽車每拖家庭車誌以詩

七月廿四日

九夏郊原士女時輕裝燕剪碧蘿枝香車疾駛光明道金屋仍教道處隨

過耳恩湖 (Loch Earn) 寄王章樹兄時遊巴黎

六日廿五日

後樂先憂誰得似「干戈未定欲何之」綠蔭濃甚同遊日抗戰強逾發難時儘有湖山容我放可無文物作
君資巴黎已是囊中物定有奇文慰所思

納爾湖 (Loch Ness) 道中書感

六月廿六日

法治勝道義英民真自由舟車行樂具貧富綠紅樓飲食無差等開明殆極優人聞此天上不見殖民州

窩板 (Oban) 附近卽事 七月卅日

林端溪畔海湖濱祇見停車不見人
週末假期兒女伴銷魂世外避羣塵

愁湖 (Loch Awe) 八月一日

客至愁湖更惹愁
太陽旗下山前後興亡恨何日樓船下石頭

雲山如黛水如油
湖海江天美備收大自然中誰自得奔來客憶大觀樓

雨中至達耳馬底 (Dalnady) 早宿 八月二日

跋涉艱難已習經
英倫風雨萬山青巫山雲雨堪除却合起山城止雨亭

可谷 (Glen Coe) 望三姊妹 (Three Sisters) 諸峯 八月三日

萬山深處竟藏嬌
海角天涯路一條省識英倫三姊妹雲中隱約小蠻腰

登尼衛峯 (Ben Nevis) 頂放歌 八月三日

去年西蜀留三伏
此日英倫第一峯兩地炎涼眞夢幻滿腔血淚吊英雄
倭奴不愧匈奴續東海終成瀚海紅
永固長城憑血肉略呼民衆足兵戎憂樂關頭須猛省
復興時節且加工依然故我長三尺暢也高歌兩大中
滄海桑田新地學神州赤縣舊疆封河山還我從頭說
今古其誰敢不同

喀勒多良運河 (Caledonian Canal) 爲大斷層地形特殊 八月四日

萬里宗邦憶秣陵空前浩劫恨難申偷安一綫江湖勝喀勒多良大斷層

格蘭品 (Grampian) 山間地柏 (beeches) 花開一片紫金因寫意 八月七日

地柏花開色紫金淪敵到如今西南半壁猶全壁東北民心是漢心割讓鮮臺仇不淺進圖燕趙恨彌深戰來日日倭奴少不共生存不共榮

送儲鍾瑞兄赴美 八月十七日

喜新厭舊誰能外破浪乘風君又先記得同機飛武漢雲中相契已經年
經緯詳明建設基交通農業始方興疆場更難論成敗有待他年逐敵騎【儲兄精大地測量學】
今世天堂美利堅風流文彩足流連農工百業堪吾法五百年間勝五千

冬底 (Dunfermline) 參加英國科學促進會時第二次歐戰即爆發書感想

寄愛丁堡王章樹兄 八月卅日 (即農曆七月半)

領略人間萍水飄愛城相去兩長橋風雲怒號來天地鎮靜工夫見矮高此日故鄉新米飯何年舉世樂天禱
英雄競造斯時勢休把文明一筆消【冬底與愛丁堡間之兩鐵橋爲全英最長者】

新重九日德軍已攻入波蘭京城華沙英法對德宣戰纔六日耳傷感之餘痛成三首

風雨秋來總滿城遼寧如是又江寧及時悲劇西來演試聽中歐嘶殺聲
弱供強食最堪嗟捷克波蘭相繼拿一現臺花念年夢萬方多難痛華沙
認定復興爲鐵血老希今日翳西歐大英旗幟無顏色無敵其沈北海頭

覓客湖 (Loch muick) 遊興 九月十六日

十里青林伴客遊湖名覓客客心悠天高野大胸懷闊日麗風和寵辱休死得強權戰歐陸生逢離亂痛神州
揚鞭日月山西日會看青湖一片秋「青海爲吾國最大湖泊在日月山之西」

底水南臨客自孤爲溪源上畫難如冰槽邱壑幽藏處形色呈茄水一湖「底水卽(River Dee)」

過覓客湖南行山間野雞爭鳴如嘲笑然

熊掌與魚難共有聖賢名訓是吾師但求小白山川理那管山雞笑我痴

蘇北高原秋興 九月十七日

行歌九月入長風蘇北高原我欲窮秋到樺林溪畔路天南星熟幾株紅

蘇聯出兵攻波蘭後二日希特勒廣播斥英頗有是處 九月十八日

縱橫風雨重陽後二九人間浩劫期盡動遼東倭作俑效攀歐陸德居奇聯俄自是瓜分策友意端爲應殺機
合縱連橫希氏有倫敦驚下况巴黎

王章樹兄來約踏月始知本日爲中秋 九月廿七日

皎皎圓圓在天上明明黑暗滿人間招朋踏月談風月異域偷閒未得閒入眼雲烟悲戰伐遺懷文墨憶家山
平羌江上流明好合爲蛾眉早日還

元旦述懷 民國二十九年

英倫穩住又一新年萬里江河隔萬千誓掃倭蠻安禹甸挽回正義薄雲天四方八面強吞戰十室九家悲獨
眠風雨縱橫迷兩太陽春長在自怡然

生日偶成

尋幽好去山川外爲學無拘故紙中天海魚鳶斯自得風雲龍虎總相從

登阿瑟山 (Arthur Seat) 看愛丁堡雪景 一月二十日

深鎖閒愁塞雪裡詩情轉暢懣凄清呀信步登阿瑟銀幕當中一愛城

雪融行路難索賦 一月二十一日

橫多老氣厭紅塵白雪陽春舊曲新三態循環家戶曉滔天禍水苦吾人

春意暨續春意十首爲廿九年二月與王章樹兄同住愛丁堡中

華協會漫談抒情之作有詩序

時自隆冬詩自春一樓長住故鄉人愛城風物王孫有付與陽春白雪新

綺羅蕩漾乳頭春桃色乾坤愁殺人兒女那堪長曠怨連天烽火戰雲新

襲遠勞師秋復春東西戎首幾何人侵凌正氣渾難說白骨如山將譽新

鳥語花香錦繡春何處佳人夢裏人海陸空軍盡夫塔封侯贏得淚痕新

最難長在是長春如此江山如此人天網灰灰疏不漏萬劫推陳也出新

春來少婦總懷春誰爲生兒去殺人同軌同文全夢幻維揚母教作民新

柳絮如眉九十春愁城不屬畫眉人昌齡詩意嫌陳舊巾幗英雄日日新

紅杏香凝一樹春隔情大呖折花人一花開堪折直頭折金縷衣成樂府新

辜負韶光不計春月下花前屬我人約近黃昏無限好名詞千古舊猶新

不信黃鸝會解春薔薇香裏住騷人奴家別有春藏窟一片冰心萬古新

與王章樹兄暢遊英格蘭湖區沿溫德迷兒湖（Windermere Lake）步行

晴雨不時自然景色多變逸興倍增

四月二日

湖山奇秀詩文美伍叟羅翁吶喊聲溫德迷兒湖上路幾番晴雨近清明【湖區爲英國文學家 William

Wordsworth 與 John Ruskin 朝夕徜徉之所】

在愛丁堡中華協會與王章樹兄同住不時自炊而食食罷頽然有

作 六月十五日

留學西洋羨慕多書城倦擁奈愁何興來每作家鄉味食罷難堪棹滿鍋【小鑊鍋如飯碗便於炊】

抗戰三週紀念用放翁秋思韻亦成三首 七月七日

遼東不守國門開冀察唇亡實可哀永定盧溝榮發難睡獅驚起夢中來

三載蹉跎戰局開國仇未復最堪哀詩情掃蕩倭夷陣變色版圖還我來

空前歐戰又重開紛粹文明舉世衰弱血強吞斯造極生存果爲競爭來

詩送王章樹兄繞道南非洲返國 七月廿九日

一片西風海國秋羨君好望角南遊文章千古鬚眉氣太史當年筆墨優乘興好新寰宇記離心怯上仲宣樓

天涯空益飄零感何日宗邦百政修

撒里士堡巖 (Salisbury Crags) 上望蘇格蘭中原 (Midland) 卽以所感

留別愛丁堡友好 八月廿四日

千仞岡頭向晚時愛城臨去可無詩天涯客裏兩寒暑海角愁中祇自持北望高原留軌跡南瞻來路滿戎師
夕陽西下中原美多難中原萬里悲

船由利物浦開出之第十日始到美國領海自覺再無被潛艇擊沈

可能遂爲詩示慶 十月三日

死裏求生去乘桴渡大西兼旬人不寐獨樂我如臨彼岸光明在今朝黑暗離場來宜小住及早擇歸期

與露士在哈德孫河上華盛頓大橋眺望 十一月九日

多情無那爲阿嬌不夜城邊第一橋斜日並肩添逸興西風黃葉兩蕭蕭
學不成名誓不歸西來舟次有君隨偷生既得深知勉好在研餘未必非
斜倚欄杆俯雲流哈孫河水一年秋萊茵情景如相若聊當鄉關解客愁
炎涼世態將安歸異日消愁又共誰益信人生貴時會天涯樂事也應肥

元 旦 民國三十年

消遙海外第三年一介書生一大千負笈西來金子國灣流東去霧雲天歐洲空際機駟戰紐約城中客未眠
此日太平已澎湃神州遼望益愴然

虛度日讀吳白屋登山遠足詩自勵

騷壇吶喊鼓鼙陣白屋登山遠足詩黑石松間高洞日聚奎校裏白沙時一篇卓絕劃時代早逝奇才是我師
後死徒悲國不國良辰虛度欲無辭

鐵明兄約於復活節往美京華盛頓一遊時漲潮池 (Tidal Basin) 櫻

花正開詩以記盛 四月十三日

四月清和美風城華莢怒放柳條生漲潮池上櫻花市多少春衫競豔行
池上鉛華聚彩雲池中舫艦逐縵紛飛花蕩漾流脂粉輕薄顛狂不必論
風光如許任流連有術消遙不計錢梭船長空人鳥瞰胸羅大塊碧雲天
文采風流正此時看花人寫畫中詩長安舊日當如是今古東西一例持
時亂年荒半世空民生霄壤極西東傷懷苦我靈遊客未敢魂銷美景中

觀尼雅格拉瀑布 (Niagara Fall) 六月十七日

峽谷平川臻急變山羊島下水雲蒸一江鑿點人間異雨瀑聲名字內騰幾度滄桑形勝在如雲佳偶蜜期臨
虹霓更比虹橋美霧女慈航碧水深【美國與加拿大間之橋曰虹橋來往瀑布下遊覽之船名霧女號】

到波士頓遊查理河參觀麻省理工大學哈佛大學 九月三日

查理江濱半日遊濠梁之樂際新秋鏡波十哩琉璃水綠藻金魚慰客眸
文采風流三百載新洲贏得劍橋新近鄰有校精工學舉興人皆道令名
瞻對遺容崇碩彥地文泰斗戴維斯遺篇宏著吾能道喜見行箱似舊時【哈佛大學地理探險研究所中有
專處陳列W. M. Davis英容及其生平旅行時所用之木箱等物】

與黃用諏兄同遊鱈岬 (Cape Cod) 之省鎮 (Province Town) 九月六日

人間最大沙連島鱈岬圍成海一灣滿眼青林被沙磧浮生天海沒松膏碑樓直可通霄漢省鎮無如聚落間
牛角灣灣地斯異滄桑歷歷客歡顏

新港 (New Haven) 訪問夷魯大學 九月八日

欣來新港檣林邑煙火樓臺綠蔭中閒過一生夷魯樂蒼涼萬里準原雄迤南海股生長島古北冰甌起大風

冰水天工成絕景東西奇石向陽紅【全新英格蘭爲一大準平原(Peninsula)東西二石皆小山爲新港之

風景綫】

新重九日由新港回紐約市車中憶內作

殘暑驕陽好初秋綠野橫一生常作客三載別離情四子勞君養冰心爲我滑重陽又辜負空盆不平鳴

午睡頃刻半日醒來覺城市生活太鬧信筆述之 十月七日

夢回不覺星霜易空憐王粲客他鄉入秋煙瘴如雲黑向晚燈光似橘黃灣港大成城不夜樓臺林立衆皆忙
摩窶擾擾斯爲甚合衆人間避圍牆

偕張鍾元兄遊羊克斯(Yonkers)鄉間 十月十二日

邇來懶慢似稽康獨坐空齋靜味長友約郊行宜黃葉詩情流露在秋光青林美斂丹心樹少壯權爲戀愛鄉
共繞寒潭尋逸興不因搖落感殘荒

從岳漢生(Douglas Johnson)老師往中部阿帕拉強山(Central Appalachian)

作地形實察所得至多記以詩 十月廿四日

「萬里遙天秋洗淨」秋光好比壯年時壯年學識膾成熟理解山河更賦詩浪跡準原司古禮(Schoolby

Panplain) 推尋流史博新知阿帕拉強風水口名師指領實探奇【開場借用王文治句 阿帕拉強山之風口 (Wind gap) 與水口 (Water gap) 特多

倭對美國宣戰日寫 十二月七日

滔天倭禍逞干戈蠢動遼東作俑多東亞橫行頻肆虐南洋經略又興波軸心附驥盜心熾國策荒唐政策苛
螳臂當輶支大國強梁正義較如何

元旦 民國三十一年

太平戰出太平年喜殺倭奴不計千誰肯將戈揮落日人皆渴望樂堯天萬方多難羣方合四海同春似海眠
莽莽神州家國在有朝興復最欣然

寒日課暇每在校近公園閒步綴句此其一例 一月十六日

晨邊賞日河邊眺半日耕書半日工憂樂關頭今打破山河血戰已流紅縱橫大海飛奇將叱咤風雲震太空
殺伐年年真浩劫陽春難得望皆同【哥倫比亞大學在河邊 (Riverside) 與晨邊 (Morningside) 兩公園之間】

午夜憶內成詩寄歸 二月十五日

萬里生涯慣天寒，憶鄉深知離別苦。難渡太平洋，時日全相左。夢魂亦渺茫，「四方八面戰」詩短意偏長。

張鍾元兄約遊農峪（Farmington）歸以詩答之

四月廿日

柳色纔黃才氣盛，一年一度少年時。輕風剪剪閒情闊，長島漫漫春意遲。咫尺名都成闊海，良朋佳會聚遊絲。農工百業皆諳料，遂把偷閒記以詩。

農峪有大溫室名玻璃城，其中梔子花盛開，頓生鄉思

奉遊動歸思，祇爲入花房。梔子花兒好，清芬肺底香。密嗅猶親近，遙知別恨長。太平如可渡，指日即還鄉。

連日陰涼，忽思作全美旅行，因屬幻想，更增感慨

六月五日

幾日陰沉夏似秋，天涯久客覺難留。太平萬頃何時渡，北美千山一旦收。抵抗五年吾祖國，瘡痍滿目我神州。西洋東亞真霄壤，錦繡山河比血流。

據定一兄約遊科尼島（Coney Island）乃紐約市之海水浴場也，據云

男女浴者最多時，達百萬云

六月七日

烈日炎蒸情更熱，海風拂拂衆皆涼。哈孫河口科尼島健美如雲，一大觀。兩性兩棲無畛域，相親相愛有情場。風流共樂斯爲盛，長島雖長夏不長。【科尼島乃長島西南隅一小部耳】

閱報頗厭戰爭消息但望和平爰將雜感誌以詩 七月二日

生逢離亂倫安客四載天涯爲讀書故國即今何所有西洋此日不能無爭雄戰禍漫天涯粉碎文明拓地圖
安得物華人盡樂再無強暴起根株

紐約市帝國大廈上抒情之作 九月一日

堪笑人生似馬牛詩狂我自若銀鷗文明破產誰知覺歷史推翻戰不休不夜城中羈歲月天涯客裏喜新秋
閒情得共遙天遠已上人間第一樓

破曉 九月廿九日入哈佛大學後作

破曉仰孤牀東窗日漸黃靜觀誠自得佳興尙他鄉大計晨春始天涯日夜長彈雨槍林世偷方應有方

答張思齊詩問時散步波士頓街頭 十月四日

十月年年第二春茲來欣喜遇詩人英倫新舊皆遊過一樣吟情別樣新

賞秋吟 十月九日至十三日來回紐約車中作

一年最是秋光好無限江山錦繡圖大自然中誰作主這乾坤裏我爲廬天時觀測風雲變地利閑精物產都
尙少人和增浩劫莊嚴氣象不能無

古今骨髓人和地殺伐無端有定時正義空談斯導火前車殷鑑致良知人羣畢竟誰優劣侵略原來爲把持
除却陰謀自長治休因離亂笑吾詩

連日吟秋起壯懷明朝依舊守空齋黃花晚節香能久秋水長天雁欲來十月小陽春不啻英年力學老無哀
丹黃紫翠爭顏色還是長青是大材
入野還吟債金秋一望收英倫新舊客佳興美歐留天海胸懷闊魚鳶得意游男兒應有用家國儘先謀

雨夜思鄉

十月廿一日

淒其淅瀝况涼秋一夜人居聽雨樓閣自隔窗憐落葉憑誰設計買歸舟異鄉花草故鄉淚名士風流志士愁
學業無成羸髮白四年海外祇搔頭

查理河畔秋感

十月廿二日

查理江頭客偷閒獨賞秋墨雲仍欲雨旭日尚含羞英美康橋好人生事業愁盈盈衣帶水黃葉逐清流

秋日漫興

十月廿三日

一生作客可風流課罷吟詩倦臥遊太息亂離歸未得放懷天地與難收閒情不比秋容淡好色將隨道德休
天時地利人和日還我河山壯志酬

夜雨落葉有聲追懷黎雨民先生

十月廿四日

夜雨綿綿秋健時惜他黃葉幾度絲重來一月康橋客仍誦黎公落葉詩耿耿籌邊人已杳垂垂國運我何支
吟秋苦樂頻年領好自爲之應未遑【雨公珊瑚硯齋詩集有落葉詩五律二首絕佳余隨時誦之惜其書未
刊於世耳】

和張思齊詩韻 十月廿六日

連朝雨更秋有客賦登樓十月霜紅葉西風夢客舟國亡無日恥遊子異鄉愁負爰偷安久太平望白頭

落葉 十一月四日

一水清如鏡秋高景入詩歲寒雖在望霜葉尙支持天地貞心顯繁榮繼脫時莊嚴祇松柏大節古人知【黎
公落葉詩有句云繁榮都繼落天地有貞心】

秋深遣懷 十一月七日

蕭蕭落葉催詩句習習輕風送夕陽又是一年秋盡日依然萬里客他鄉人生苦樂無憑據，名士風流最擅
場吟出真情詩自好興來大難我皆忘

愛煞秋光步晚霞吟情動盪似吹如春歌無那秋歌壯逸興常逾正興除四海到頭皆域內人間何處是天涯
康橋風物堪留戀住定權爲客裏家

張思齊兄賜虞美人二首答以詩

十一月八日

粗解唐詩未宋詞爲他風月盡情絲君篇滿紙英雄氣我駕長車出塞時半壁西南無限恨高吟海外有相知
白山黑水歸還日願與元龍獻凱辭

墨倫街樹葉落盡惟余寓所三十三號對面楓樹仍全在書餘記以

詩 十一月八日

展卷縱橫入大荒小樓烟雨思茫茫墨倫街上秋猶在一樹金楓對我黃

觀書綴句隨筆各一首 十一月九日

詩文靈性俱天籟滄海長空以濟帆不信窮途無出路但求真理出平凡
祇綴平凡字流傳不敢期自愉斯有道人笑定無疑每覺書城大難將智域離山川多跋涉星易志非移

前次歐戰停戰紀念日速寫 十一月十一日

飛飛落葉鬧殘秋風也愁來雨也愁希望明朝有天日光天化日任嬉遊
蕭條雨打風吹後查理江頭客自歌祇有漣漪倍清冽一叢楓樹葉無多

夢長子方能所入學校不良命轉學忽爲鄰兒驚醒 十一月十五日

不覺東窗曉日晴初寒滋味夢魂清剛纔教子情難適臥聽鄰兒學語聲

課餘查理江頭散步作

十一月十七日

沙鷗對對坐清波領略秋陽比我多上下天光明鏡裏鬢中一水兩橋過
霜風過後秋容慘木葉枯焦繫故枝好是青青河岸草暗藏春意費人思

昨夜怪夢情意未適暇用雀塗旅懷韻娛閒

十一月二十一日

他鄉久客也多情直把書城作夢城萬卷無多空萬里三生有幸又三更韶華不再添髮華人生未可望長生
多少欲歸歸不得滔滔天下我何爭

讚松柏

十一月廿二日

勁骨永歸松柏有歲寒時節最精神男兒個個應如是不愧鬢眉顯好身

冒寒散步查理河畔

十二月八日

查理江頭夕照紅隆冬佳興詠涼風冰流太冷鷗無下岸草猶青畫在中一介名譽情更洽二橋閒眺意偏濃
枯枝樹樹如嚴陣但覺寒天肅殺空

雪夜爲風驚醒索賦

十二月十五日

有雪無詩苦清寒困小樓風橫聲怒號夢斷客心憂少壯飄零過黃沙雪國遊頻年續故紙報國衛無差

南下紐約車中書寄哈佛大學黃炳坤兄

十二月廿三日

買得輕車載興遊冬林雪景倍清幽準原依舊添銀底山色愴然似鐵坵松柏精神隨處顯人生事業入時不
山川四季多佳色社會長爲一濁流〔新英倫在地形上爲一大準平原〕

紐約除夕天明前爲風驚起

風雨連朝抑鬱多樓臺百尺意如何那堪歲暮難眠客窗外風聲自作歌
鐵馬冰河憶藏遊山河飽覽此生休年來少讀西征曲一樣西征兩樣愁
受盡淒迷特喜晴彩雲西現日東昇哈孫河畔三年客除夕吟詩每到明

元 旦

民國三十二年

同韻呻吟竟八年年來百感集成千環球依舊無寧日學子迎新有幸天海外桃源留客久國中父老幾人眠
十年詩願行將償跨慶昇平一暢然〔自一九三六年余由藏經康內返在滇西始於元日用皇甫冉春思韻
述懷今八年矣〕

紐約市西望

一月四日

紐城遼望哈河西阿帕拉強一綫齊每念舊遊詩意亟且因樓坐樹叢低窗前日夜風雲緊江上波濤曉夕奇
冰雪飛流寒色厲書餘漫興自留題

看哈德孫流冰 一月七日

弄月吟風人自若一年伊始意彌新哈孫河水流冰日不夜城寒衆望春
潮來喜見流冰聚一水頻添玉帶新亭午尙寒無日力冰孫河畔竟無人

江上塞威盛浮冰日日多潮回成玉面北上似銀河三態天時主吾生地利歌尼山嗟逝水烏兔實如梭

紐約市觀感 一月八日

滿吟堂西哈德孫名流漫衍出名門人京指日逾千萬美國他年孰仲昆樓閣天車若蟻金融腹地士如雲交
通欲速渾難達最是晨昏欲斷魂【紐約市主要部份爲滿哈堂 (Manhattan) 島全市人口已七百餘萬
特稱之曰人類之京】

連日嚴寒哈孫河浮冰大滿 一月九日

海潮向與寒潮反潮來景象多不夜城邊寒劇日哈孫河水變銀河

虛度日作

春夏秋冬卅六過依然一個介意如何寰球彈雨槍林盛家國瘡痕滿目多離亂飄零身無淡圖書行李半肩
羅大時代裏休悲切馬齒增時自勵歌

寒日抑鬱因寫所感 一月廿日

陰雨連朝又喜晴橫空猶自作風聲江山景色難供眼冰凍玻璃窗擦不明
午過風微冬似春半江瑟瑟半江銀流冰聚散成奇景阿帕拉強不染塵一綫平濟千里近萬方肅殺九迴增
太平如可吟詩得我也高歌學少陵

得家書反增惆悵湊句遂成排律 一月廿一日

銀飛六出寒天下客至三冬苦悶中堪嘆人間無大廈漫由貧士具歡容萬金遠遯鄉音重惡耗多於喜訊豐
薪桂米珠長滿紙金戈鐵馬共蒿蓬

邇來覺天時影響閒吟爰以韻述之 一月廿八日

亨君氣候文明說左右吟情信益眞世態於焉趨冷暖人情隨處樂秋春北風捲地紅塵白赤日行天血汗蒸
冬夏自來歌詠少性靈常共歲時新【地理學家亨丁頓(E. Huntington)有氣候與文明鉅著】
夏是黃金冬是銀人皆厭憎喜秋春春秋褒貶成華衰自古貧人出哲人

大雪卽景 一月卅一日

日來黯淡窗前景詩思澄滑雪後晴若箇乾坤虛僞甚白銀滿地衆人貧

吃橘憶家 二月二日

海外桃源罔自安久離情思兩茫茫天寒歸思頻頻動每吃拋柑憶故鄉「拋柑之特大者吾鄉謂之拋柑」

由紐約回波士頓車中作 二月三日

長車浩蕩蛇行速窗外山川老氣橫一片寒林飛鳥絕無邊白雪壯懷生僵瘕瀚海當年渡鐵馬明駝載興行
此日奔騰新大陸何年光復古文明「西藏高原之北部爲僵瘕」

雨中樓坐 二月十一日

獨坐樓中客飄零海外人兼旬無詠事一雨似陽春冰雪消融速情懷寄託新泥濘雖載道原野幸無塵肅靜
心田妙難窮舉海真三餘陰競惜年長興頻增

雪夜吟 二月十五日

一夕謳歌春已杳朝來山水又成銀蕭然兩大分青白果矣驕陽美太真月夜放懷情更切明窗養性淨無塵
自來白帝安民若何況于戈逞白人

哈佛大學張思齊楊聯陞任華吳保安諸兄爲海外騷壇生色謹以

不律弄斧 二月十七日

張吳俊秀任楊勁海外騷壇救將才國步艱難吟亦苦大唐風雅幸重開異鄉景物添奇興經世文章屬下懷
此日康橋共冰雪何年歸去斬蒿萊

詩頌蔣夫人宋美齡在美爲國宣勞 二月廿日

宗邦正權垂危禍獨木撐持奉化才萬里宣勞賢內助瀛寰交譽例先開鬚眉巾幗英雄氣卓越精神救世懷
四百兆民斯引領神州他日是蓬萊

雨中思鄉 二月廿四日

半日昏昏坐小樓陽春在望頤如秋鈴聲裏章台夢風雨江南故國愁瀟水橋頭堪贈遠望江樓下繫輕舟
年年域外懷中土不忍千條對白頭

張思齊兄以近作詩詞多種見示謹酬謝

益友金陵客詩詞逼古才賢勞動後倦講席舊會開高士風流氣他鄉故國懷千金娛膝下活潑更衣萊。
萬水千山客飄零總不才江河滄海合山岳九天開吞吐非凡氣歌吟試壯懷幸君原我俗修養自荒萊

省識青龍天鬼喻須彌山上摘星才尋仙雪國江河出依舊人醉夢開好是高吟清白士難無悽切謹關懷
干戈滿地須收拾孰欲中原變大萊

答謝楊聯陞兄賜詩

經緯古今爲史地與君萬里聚萍蹤殊途矢志同爲舉指日桑榆現曉峯

詩歌靈性存天籟史地推尋治世才億萬斯年今古錄縱橫寰宇圖書開文章漢宋歸司馬士氣銷沉入鄙懷

掃盡倭夷應有日復興華夏使無萊

劫餘百廢須興整國史重修倚瓊才遼冀侵臨堂奧失鮮臺割讓海門開新愁舊恨全民忍逆觀前瞻一介懷

富士山頭飛漢磯聯吟應是同倭萊

際此寰球酣鬪甲推敲結伴習吟才春來陌上心絃上多去河開玉帶開王粲樓頭千里目洞庭湖畔一憂懷

風雨閒愁宜本色家園應勿長蕪萊

答謝任華兄

任兄爲雲南起義元勳任可澄氏公子三十年秋余初遊哈佛時卽已聆教矣

偏精哲理乾坤大神州應負使君才他鄉欣喜重逢樂賜卷頻教俗眼開家學淵源宏似海傷時談吐客中懷
何年可以同舟濟無日承歡學老萊

哲理彌深昭日月西南更負使君才良知學出黔山化地利人和國運開抗建兼施堪側目江河失治苦蒼懷
中原多少流亡屋老杜重生祇吟萊

奉答吳保安兄賜詩

白雪陽春交替日無端把管論詩才興亡大抵生民決風雅都由士氣開萬里長江流我血一篇不律惹君懷
吟高論偉堪欣賞何日宏圖入草萊

愴然國破山河在今士難爲騷下才吟事似輕還似重讀君「浮誕」豈浮開江河行地非孤憤山岳齊天是
壯懷能下書簾師董子且評人誤作東萊「保安兄原詩末二句爲盪胸孤憤空千丈祇下書簾讀呂萊」
古訓堪循士先志今人多負過人才艱難未歷空談健上下因循積弊開時亂民間惟有怨國危誰敢羨無懷
美歐潛習嫻城邑蒙藏長征遍野萊

哈佛地學系圖書館忽起鄉思

三月四日

旣遊高亞山皆小國計生民入韻樓人境廬前堪漫興甯川閣下放歸舟鄉心日共春心切國辱難如寵辱休
坐擁書城斗甯客年來空白少年頭「歐陸地學家統稱我新青康藏爲高亞Asia」

雪中望春日早到

三月六日

風雪交加氣自和冬殘催客作春歌何時天地能清白盡把寒衣換綺羅

培思函稱愛鳥夜鶯已死詩以悼之

三月八日

午夜爲詩悼夜鶯，培思爲此最傷情。來書備述處處遊，不欲還家乏好音。
曾記攜籠納晚涼，哈孫河上易星霜。四旬快聚三餐共，愛物情深愛味長。
天籟天真此鳥多，精於跳躍特名梭。羽毛鑑玩閒情適，別態窺人所爲何。
世間無物能長久，爲語培思善解排。聊購實籠當吾贈，伴尋真理定懷開。

聞鳥鳴喈喈知春已到喜賦絕律各一首 三月十一日

獨坐空齋束詠懷，窗前鳥語競相催。拋書散步江頭去，春水冰融鷗已來。
動盪閒情關不住，陽春有覺鳥初鳴。朝來風露氤氳氣，冬去山河破碎聲。學不能精休返國，詩何可活客名城。
一年大計斯時定，喜見歌禽結契盟。

三月已半春色渺茫悵而有作

寒日儘蹉跎，天花亂墜多。縱來無九十，應緩作春歌。
春到姍姍遲，三月春城雪。莫把歌與詩，盡頌白蝴蝶。
冷暖頻如許，冬春過度時。人情無二致，大節有誰知。

霧中口占 三月十七日

已過隆冬不見春新英倫變舊英倫濠濠特苦連朝雨莫話深愁萬里人
雨夜張思齊兄來長談 三月十九日

良朋唱和天涯樂一樣巴山夜雨時祇惜客窗非剪燭無聊共讀劍南詩

次和張思齊兄賜詩 三月二十一日

冬去陽春取次回詩人咤叱遇風雷相思雲雨巫山起致令乾坤變色來
更無離亂似今時欲挽顛狂也未遍騷客常陳安國策娛閒得謂政中詩
萬里吟狂苦亦香風塵山海客途長清明指日懷歸日祇怕春陰故作涼
殺盡倭奴葬一坑中原路上少人行河山還我渾無日去暴安良樂衆生
春雲漠漠日昏昏斗室終朝鎖客魂每讀瓊篇天氣好卜居應是對君門

查理河口號 三月二十七日

打破乾坤也放歌春秋歲月儘消磨他年洄溯天涯樂詩思長鍾查理河

早春卽事 三月二十九日

綺羅香陌上繁枝發夢中神仙好兒女對對坐春風
水暖鷗羣樂江頭喜早春相親復相近我獨更無人

春雪 三月三十日

百卉將繁六出來陽春白雪吟成裁
陌頭應惜纔黃柳枝上還教放玉梅
三月江城歌五月情懷滑景動傷懷
亂離徒長征入怨辜負桃腮與杏腮

三月完日書遣

康橋三月盡新葉尙含羞况復餘寒在春陰特地愁
芸窗書課罷聞唱欲催花好鳥枝頭和吟情自更賒
花事清明後人間物候新泰來知否極詩境一般春

贈王岷源兄 四月一日

曾過岷源客逢君信益親文章經百代詩句發凡音
吾蜀小天下西南大本營寰球皆側目爾我合同珍

寒食雨雪

寒食猶寒思益非萬方多難欲無爲踏青明日眞如夢
楊柳依依白雪飛

查理河柳色 四月九日

渭溪乘興到章臺柳眼初開最洽懷
心上愁因流水去江頭人爲詠詩來
翩翩舴艋穿雲水蠢蠢蜉蝣攬拙才

美景韶華難久駐自然日小實堪哀

詩人長公

(Longfellow)

墓前吟成

四月十三日

長公久作長眠客可把詩韻借玩不萬里春風春水漾天涯詠事詠鄉遊三春新柳猶猶綠九曲流觴醉夢休
無限輕迎小蠻舞鸞黃酒拂鴨頭流

十三日深夜爲雷雨驚醒

有幸陽和到無如混戰開光明成閃電黑暗發春雷八陣轟轟警千軍殺殺埋人間宜猛省忠告在愚懷

題好事何非像

四月十九日

好事何非一代奇提倡侵地學爲辭雖然浩浩劫由斯起英美同僚手盡低【德人K. Haushofer與專學一門名
Geopolitics余茲譯爲侵地學蓋希特勒欲本其學以征服世界也

夜間風雨不寐有作

四月廿日

底事春來乏好天陰霾四佈月難圓那堪飄泊無歸日風雨愁籠更不眠

復活節波士頓公園寫意

四月廿五日

佳日欣逢復活期公園放眼最相宜春衫紅綠皆新好競豔人行徑履齊
春遍樂意更無涯一刻千金况日斜半畝芳塘滄海若情人爭取泛仙槎

天鷲舫上歌聲起池畔橋頭士女嬉幾樹垂楊新吐葉一池春水恰平堤
半日觀魚查理河名池祇惜少紅梭鴛鴦泳傍多情舫博得鴛鴦笑語和
滿地千戈滿地春前方拚命後方人文明自是爭來的褒貶聲中應擇聽

遊康可德 (Concord)

老北橋頭吊古來戰場芳草碧如苔大英旗幟今何在美國文明自此開
康可村東大路旁幾家賢舍若同坊就中艾宅聲尤著詩哲威名美國光
【艾姆生 (Emerson) 故居與墓相去里許】

四月末日雨中查理江上憶鄉

不解連朝底事忙書城辜負好春光雨中芳草無邊綠江上詩人有意狂
久客長教心不快新愁無限我難忘
問情自是天涯好無那情深是故鄉

楊聯陞兄約郊遊乃經查理河去安諾德樹木園 (Arnold Arboretum)

五月八日

載韻觀魚又有人濠梁佳興信長真詩情五月漫天無限風流爆發春
【春來特速有如爆發者然】
結伴郊遊興不無花時花少此名都高歌遂吐城塵氣共仰春陽晒腹書

聽李惠林兄講演安諾德樹木園花木後獨往波士頓公園看花歸

成兩絕卽以書贈

五月九日

春城週末盡人忙小小公園門豔裝佳卉應時猶遜色玉蘭花與鬱金香

樹藝淵源始華夏人收我種善培植名園君有堪無憾海外花多祖國來「李兄治植物學安諾德園爲其實

習之所」

南下紐約車中湊成六首

五月十三日

三餘搜句兩三人此日天涯詠事真
查理清波紅潑刺康橋五月豔陽春
離亂當頭苦做人人間何事始爲真
紅紅翠翠來天地過眼煙雲是假春
勝敗關頭進化人文明遞嬗實爲真
無如善惡爭無定必爲人間長在春
方物羣分詎可無收來億彙列名都
四時佳興天然好萬里縱橫萬卷書
是是非非爲有無今來古往亦何都
微前媿後人間法至大綱常出史書
神州攸久美洲無不忍人強我弱
都好趁春遊新意識將來建業特圖書

楊德銓兄約聚宴於白氏大廈 (Bottles Hall) 屋頂謝以詩 五月十四日

白氏樓頭送落霞良朋盛宴兩堪誇人京贏得名譽在學子長教養性除不夜絃歌歷世醉無邊春色放心花
悲來五內渾難說祇有閒吟代淚麻

雨中北返波士頓途中卽景 五月廿一日

春日車行實快哉迷人烟景百花開桃腮柳眼爭騷客樹樹嬌嬌綠女排
花枝錦繡樹枝蘿有客無端盡興歌大塊文章千里目雨中春色秀尤多
子鵲聲裏野花紅綠遍郊原黑太空風雨縱橫詩思窘藍山景物有無中【藍由(Rime Hill)在波士頓南郊

外山上有有名氣象台】

奉答王念祖兄 五月廿六日

君憐我羨讀書人益讀羣書理益真好擁書城變書廬時褒貶作秋春
閉門高士罪功無祇惜豪華樂大都秋月春風等閒遇依然四壁滿圖書
葱籠萬木慰詩人雨後乾坤潔更真洗滌紅塵聊以慰冰心一片玉壺春
但得清時百欲無雖黃今古滿黨都最鐘暮鼓爨中好耿耿區區未盡書
我是推敲吃奶人了無拘束覺天真瑤章似雪飛來日檢英揚花已暮春【郭沫若詩「花兒也爲詩人開，
我們也爲詩人來，可惜如今的詩人，還在吃奶」。】

彈雨槍林淨土無卽今華府似皇都軸心自是驕仇者民主空餘一紙書

與朱永昌兄遠足核桃山蓄水山

五月卅日

核桃山上遨遊去十里漣漪一鏡看春盡那堪稽旅客三巴依舊啼泣澗松間便酌情何限水際閒吟意未安
明道詩篇聊借慰無邊光景百花潭

詩賀顧韋二同學結婚

六月六日

誰識春殘更有春絃歌奏出大倫人百年琴瑟生民樂此日圖書國計新無上真誠是親愛多情種子屬麒麟
避秦佳話聯秦晉兒女英雄仙與神

與培思至康橋東北郊遠足終日所到有神祕湖 (Mystic Lake) 上中

下蓄水山

(Upper, middle, Lower Reservoir)

及小池

(Spot Pond) 六月十三日

滿林翠綠蔭偏濃九夏猶春興未同神祕湖濱雙侶伴喜他魚鳥泳明空
勁步逾山興更賒青林世外駐烟霞三潭共擅江天勝一徑倚斜穿野花
小泊名池實大湖幸携良伴慰閒孤湖山自是天涯好家國如斯應遠圖

與培思在康橋西郊新鮮池 (Fresh Pond) 遊散

六月十五日

日夕西郊詠事馭行雲無影水風流新鮮池上新鮮事結伴閒眠對水鷗

哈佛大學游泳池內 六月十八日

不必浮瓜滷暑無一澗清絕室何都兩棲生活浮生樂趣強好讀書

憶內 六月十九日

滿輪明月照人吟不共婢娟恨更深一寸相思豈一轉守冰吾愛是冰心
五載家居點樂無已渝重聚拘成都四兒長大成行列迎我還鄉幾担書

題培思贈熊貓照片 六月二十三日

橫斷當年憶壯遊知君不見每心憂天涯邂逅眞君子特別多情白首猴
〔熊貓首白身黑如猴性馴土人稱爲君子〕

他鄉潦倒不如歸無那情癡愛又肥記得幾回觀此獸同聲讚美似魂飛

論詩 用趙翼韻七月一日

趙翼原詩云：李杜詩篇萬口傳，至今已覺不新鮮；江山代有才人出，各領風騷數百年。
綴句愉情勿冀傳應時應物應新鮮休拘舊白甘陳腐孰領風騷億萬年

抗戰七週年紀念爲紐約市新報特刊撰

七夕斬新已七秋神州落日滿西嚶義山詩句堪尋味變色山河一望收
鮮臺割讓山河淚遼冀侵凌萬古哀今後蘆溝橋畔路國人終古吊忠骸
又將祖別平遼帥易水蕭蕭美入詩得勝旗開書蔣字戚余復活一人時
血肉長城快樂成威加海內我民聲復興偉業當前重團結精神已厲行
西南自是真堂與國計生民日以昌工合蒸蒸人側目山河光復更應強
整個仇讎假軸心強權正義最分明受降以後休忘却民主和平出死爭
無端竟抒詩中政蓄奮填膺發五中一髮千鈞當此日興亡關鍵向無同

美東南高東大中央同學歡宴郭前校長秉文于紐約市蘭芳樓壽

景偉先生囑爲詩因草二首塞責

浴德諸生禮父儒思源飲水愛宜書浴陽不老松長蔭滿座春風七月初
十載樹人收穫顯至今校譽數東南襟江枕海成賢府士出門牆另眼看

整夜不寐天明有作 七月二十二日

輾轉孤牀夢不成，失眠滋味與貧生。晨鐘破曉初敲五，驚起歌禽喚伴鳴。

神疲鎮日在牀，因憶鄉綴句爲四川標榜

七月二十四日

西蜀山川李杜詩，滂觀豪放劍南時。陶酒後呼前輩，碧柳吟中覺後知。卓絕蘇門三父子，邊籌傅氏一男兒。復興根本紅盆地，巴峽巴山永久持。〔張船山字問陶，吳芳吉字碧柳，江安傅華豐爲佐趙爾豐經營康藏之最得力者。〕

張曉峯師約納涼查理河畔至夜深

七月二十五日

風清查理草萋萋，雲影星光向晚奇。邂逅神州風雅士，漫談國事霧煙迷。不除畛域人間亂，永固山河政教齊。洙泗天涯吾有幸，三更燈火五更雞。〔當時趙元任前輩亦在。〕

別張曉峯師暨哈佛大學友好

八月一日

臥甕天街夏正長，賢師益友泗流光。清江一別何時返，耿耿星河惜夜涼。逝者如斯名利客，天涯浪跡學其真。風流文采收行篋，宜有詩文告國人。私心最負炎皇胃，日月江河正義中。今古光芒人共覩，備嘗艱苦我民風。速把神州變美州，青年責任在肩頭。他山政錯斯爲得，指日全民定自由。八月吟場一旦分，依然一介世無聞。思源禮畢翻然悟，地學光榮哈佛魂。〔地文學大師戴維斯（W.M.Da-

(Hag) 及對吾國地質貢獻特大之葛利普 (A.W. Coburn) 皆出於哈佛

品蓮 美國內政部前有方塘種水蓮多種暇輒往觀不及數日已痿成數韻八月卅日

四季名花各自妍幽人賞玩樂如仙
 秋冬陶菊林梅外朱夏周蓮君子蓮
 身自飄零興自妍六郎長伴足神仙
 敦願若許同欣賞除却炎天莫愛蓮
 此日南湖特地妍菱荷深處放船仙
 雖云不解藏蹤跡愛到無猜爲採蓮
 春秋風物十分妍載興人多似謫仙
 漫道金城三月柳何如玉井九秋蓮
 應物愉情應更妍消遙人每擬天仙
 昆蟲都飽香甜福豔絕蜂遊展瓣蓮
 雨後乾坤景色妍王孫池上水花仙
 金魚不解離羣樂小小蜂偷吻臥蓮

新重九後二三日常憶旅哈佛大學時之樂誌以詩

王孫已在京華府詩思初來查理河
 惜別清江無限意偷安異域動高歌
 韶華不在丹心在秋日陽多爽氣多
 鳴謝長公借詩境宜傳寸楮止干戈

查理聞吟客清江寄興幽指彈空一戰
 何日更重遊故國流亡屋新邦紅綠樓
 因秋懷想集不敢謂先憂
 重來美鳳城夏盡喜風清反照塘邊客
 漲潮池上生雨無成久旱秋好是金晴
 辜負登高節相思倍怯情〔反

照池 (Reflecting Pool) 與漲潮池 (Tidal Basin) 爲美京日遊之處

坡托瑪克 (Potomac) 江畔秋興 九月二十四日

一色金波天樣遠行雲豔媚夕陽時西風初起蟬歌罷秋在垂楊拂水枝
夕陽西下掛銀鈎不信娥眉不解羞楊柳梢頭秋氣盛黃昏難獨在江頭

石谿秋行 石谿 (Rock Creek) 南北互三十餘里爲美京之遊玩區十月十七日

石谿霜葉勝花紅城市林泉入畫中得意徜徉源委盡陽春橋上聽秋風
因人時日速逾梭祇趁工餘一放歌紅葉清流三十里石谿之上小橋多
應把神州變美州民生安樂放前頭秋光域外頻年賞何若家山草木修

黃菊 十一月十六日

鴈陣初橫菊已黃籬邊燦爛好秋光陶公去後誰堪賞依舊經霜放異芒
金甲披來真吶喊星霜高潔碧天遙獨振精神無敗氣不怕西風不拆腰

秋柳 十一月二十九日

傷時正搖落幾樹尙垂柔菊放娥眉老天涼燕語休青山成紫塞紅葉清流響笛成羌笛乾坤多事秋

元旦 民國三十三年赴紐約市車中讀林語堂啼笑皆非原著後成

飄搖時會又新年萬彙難安此大千縱有人閒乾淨土迄無寧日奈何天咸知止戰惟憑戰孰謂昏眠卽死眠
啼笑皆非吟以遣河山還我是當然

漲潮池冰凍虛度日閒步過之

雪季圍城冰滿地櫻花如夢雪花開漲潮池變銀池後鷗不來游我尙來

難眠詩以寫實 二月十四日

淒涼不寐時工倦久無詩遠客何堪此三餘應未遲
了無春消息白髮多生起兩鬢帶風霜零丁家萬里

詩悼新逝老師岳漢生 (Douglas Johnson) 二月二十五日

西洋負笈得從風理解山河奧妙通相對準原崇道範戴維斯後使君雄

地形學者水涯輕師獨精研集成海岸名篇頻問世瀛寰佳話愛情聲【師母盲目雖環遊世界亦同行】
丁年宿學殊堪用前度槍林自歷經戰地聞精威望重何入纔起負羣尊【岳師歐戰之場地理極負盛名】
盡興驅馳趁好馳秋千山黃葉雨新猷追隨榮似春風裏既壯春情更進修【一九四〇年十日下午余隨岳
、師去新漢普協爾州實察次年十月又去中部阿帕拉強山考察備受教益】

吾師道大命嗟窮遂隗方酣海陸空苦我無成三尺子有舟難渡血洋紅

張曉峯師賜玉照詩以恭謝三月八日

筆下神州舊又新山河指掌更何人高風長得天涯客化雨偏多大地春此日偷安書半担他年應用我終身
思源會上江河去國族搖搖籃愛最真

新柳 三月十七日

空憐飄泊客多愁好是春寒旭日收昨夜惠風吹過後朝來江柳綠猶
喜見鶯黃不染塵古人曾喚酒爲春初春柳恰新醅酒聊當消愁萬里人

陰沉細雨爲詩解悵 三月十八日

淡雪微雨催春好無那牽愁也是春縱有吟懷詩不壯顛狂輕薄總難真

陰雪繼以凍冰春色爲之黯然 三月廿日

莫測風雲今益信春無準備悲將凋冰霜作意摧佳色明日江頭悄柳腰

早雨枕上作 三月廿三日

重來七月因人過怯近清明萬里愁孤館夢回驀客思風城春雨已如油

美京江畔踏青

勝日優遊快莫名，惠風習習拂衣襟。依依無那拖金柳，燕剪初裁短錦裙。
有客如何得放船，詩情無限水連天。花時最好歸田去，除却繁華總自然。

看櫻花書感

四月八日

春遲似懶若無知，放眼乾坤共此時。壯士爭先空陸海，美人都在漲潮池。他鄉苦悶偷安樂，故國情深久客詩。
今是昨非歸去好，從頭做起未應遲。

報載長沙失陷至憂鬱因作詩自慰

六月廿日

洞庭漲天未，國運竟如何。落日殘炎在，詩人飲恨多。先憂斯後樂，正氣實名歌。舌極須堅忍，湘江與汨羅。

邇來讀侵地學

(Geopolitics) 多種爲述所感於此 九月二十八日

干戈今古逞國族，競爭忙勝敗。權優劣興亡見，弱強中蘇堂。奧地英美地，中洋事實名。言在坤輿定四方，【侵地學家以歐亞大陸中心爲堂奧地 (Heartland) 北大西洋爲地中洋 (Midland Ocean)】

由紐約市乘車溯哈德孫河而上

十月十五日

慣作天涯客，輕車載興遊。滑江三百里，十日豔陽秋。天地英容顯，繁縷頃刻收。悲來原興快，怯上夕陽樓。

吟秋 十月廿二日

一介吟風放美東阿山千里似黃龍小陽十月征人月收盡秋光入卷中

賞秋自惜興傷時 十月廿三日

紫翠丹黃色江山無限秋時因憤吟憤惜白少年頭

金風初動碧長空一色江湖天海同極目園林霜葉裏放懷遊子望鄉中年年戰伐增荊棘處處瘡痕勸我胸
日下江河傷國事那堪秋日意偏濃

寒夜憶內 用崔塗除夜有懷韻十一月卅日

隔斷重洋路年年誤此身淒其風雨夜籠罩學詩人別恨傷始久圖書益我親亂離無極苦抗建有時新

風雪中遣興 十二月十二日

空齋宜猛省歲晚客增羞日日偷安樂年年爲國愁縱橫風又雪離亂衆如囚靜待陽春至登樓展望眸

元旦 民國卅四年

那堪離亂自年年十載歌聲痛萬千血戰場終全大地吾民族益苦無天神州改造從今始故國沉疴若古眠
故我飄零償吟願太平難渡最悽然

思歸 一月十七日

新州倦旅望神州偉大山河憶舊遊此際太平成禍水劫餘中土起高樓更無情意長爲客幸有圖書載去舟
仰止前賢足瀟酒超人後樂又先愁

虛度日成

舉如宇宙豈洋湖咫尺天涯一介孤小小蟬將不惑研遊何日展鴻圖

聯軍在歐陸銳進課暇書快 二月廿八日

最喜強梁勢益微連朝風雨倍思歸神州掃盡倭奴日困守書城自解圍

美京早春 三月廿日 今年春來約早三星期

重門不掩單衣好倍覺連朝淑氣新獨自徜徉橋上去江頭一片柳條春
光景增妍娛久客白宮咫尺是迷津櫻花最恰陽春雪還有莘蕩笑美人
不待推敲味也長名都風物飽春香今年三月花如錦國會山頭擅海棠
儘有情儔盡興看豐碑亭閣畫圖間春風海肆香檳酒吹得遊人似醉還

答王伯修先生詩問 三月卅一日

江河漫衍渾難定興盡悲來客思眞萬里行吟傷亂世八年抗戰苦邦人春風和日已山遠秋季歸時凡水親
曾是窮邊羈旅者此生從不叫艱辛

君問歸期自有期偷安不樂祇吾知愉懷即欲登飛舶跋涉還須藉舊驕忝習方輿知國土可憐大難病民支
中原山水迎吟客慷慨悲歌早又遲

憶張曉峯師即書至哈佛大學請候 四月六日

春風大雅美行雲一瀉江河恰使君今古吾師名浙產放翁詩句曉峯文

悼地學大師彭克 (Albrecht Penck) 歿年八十七歲

奧京起講士從風教著兼施譽日隆地表地形名著出典型永樹鄰如龍【地表地形 (Morphologie der

Erdoberfläche) 學有上下兩卷】

李氏高風傳得賢彭郎才調果增妍昂山冰跡闡精後主講柏林二十年【彭克繼李望陀芬 (F.V. Richter

hofen) 長柏林大學地理學系偉著於地表地形學外首推冰河紀之昂白山 (Dse Alpen im Eiszei-

alter)

幾度絃歌及美洲老成到處是名流倡言舉世人將滿學說斬新事可憂

是翁是子實堪誇一脈相傳學一家亘古地形分析論小彭獨放自由花【哲嗣彭華德 (Walter Penck)

未至四十卽逝所著地形分析論 (Morphologische Analyse) 駁駁乎有壓倒乃翁之勢最爲同道
敬重惜德文過艱深耳、

已殞中天太白星如何烽火不會停及門多少宏儒在一代宗師一老彭

破曉枕上作

四月廿日

日長天早曉喚我爲啼鳥山河破碎聲春夢人多少

戰將吟

六月十八日

捍衛蘇京下德京縱橫無敵擅長征陳師高得河西日楚可夫成蓋世名【楚可夫 (G. Zhukov) 爲蘇聯
統帥最先攻入柏林】

英倫海渡巴黎復跨了萊茵敵敗逃此日飛回戰袍異萬人爭看艾生豪【英美聯軍統帥艾生豪 (D.D. Eisenhower) 戰勝榮歸各大城萬人空巷迎之報載紐約市五號大道某高等服裝店爲特製全武裝
備受紐約市民歡迎時用是又於崇拜英雄與商業廣告兩得之也】

吳士選先生於訪新逝美總統羅斯福故居海德園後有詩依韻亦

成一首 七月九日

世亂仙源域外尋，哈孫河畔景羅森。羅翁自是名千古，故里還教震遠音。舉世獨尊平暴策，長眠深痛萬人心。閒吟海國園中客，不禁傷情淚滿襟。〔士選先生原詩中四聯曰：「憲草海上留長策，閑話爐邊記播音。」

際會風雲推共主，吁衡寰宇幾知心。」

雨中車行口號

七月廿八日

輕車載客看天涯，縱是飄零興也賒。雨後乾坤惹吟嘯，可人野草雜閒花。

天明前作於枕上

八月十七日

烽火神州近炮爐，荒蕪定滿好田園。無心更作天涯客，爲學偷安竟七年。

報載倭正式向我投降，我正飛調大軍往京滬接收

用劉禹錫西塞山懷

古韻（九月九日）

飛運貔貅下益州，倭奴百萬待降收。白山黑水終還我，萬國宗邦勝到頭。未共存榮成浩劫，勵行民治是潮流。睡獅初醒神州日，莫吼驚開狩獵秋。

秋遊作於美京去紐約市車中

十月廿四日

日盆難堪久客奴，空齋懶坐趁拋書。無邊景物爭顏色，滿眼山河錦繡圖。

落霞孤霧兩飛開，翹首雲天雁字來。
正氣一歌長記得，老成風物壯吟懷。
怒放情懷十月春，小陽何啻大陽新。
黃花滿地西風裏，涼夜行天月似銀。
漫道偷閒勝謫仙，心肝嘔盡不成賢。
干戈滿地須收拾，此後興邦應有年。

得家書催歸情意未適去郊外閒散 十一月二日

依舊閒吟自可愁，歸歎聲裏賦登樓。
歌來天籟楓林畔，霜葉猩紅一片秋。
一幅丹青妙景長，郊原此日最堪行。
吟身更勁秋將老，橘綠橙黃憶故鄉。

總覺詩書不易工，秋來心事自成空。
家音祇道民艱苦，金滿街頭我也窮。
〔余在美京所住之街兩旁皆銀杏落葉時絕美麗〕

詩頌黃海平老師五旬榮慶 十一月七日

先生早已知天命，國族歡騰極慶中。
黃海平時稱「慘勝」，湘鄉人物我從風。
白下當年教澤長，晨昏相共列門牆。
美洲講成名課經濟，人生地理香。
〔師在中央大學六七年主講功課爲人生地理經濟地理美洲地理同學至今仍盛道之〕

千金厚貨贈羅經，助我長征蒙藏行。
披著皮裘橫朔漠，天湖考察始能成。
〔民國廿年春中央研究院氣象研究所派著者參加中瑞西北科學考察團氣象組工作，臨行師借助款多至百元，民國廿二年奉命入藏〕

到青海後師以精美羅經寄贈」

手諭頻頻諒遠人七年海外一長春偷安爲學渾忘久拜首臨風叩遠身「著者赴英求學師爲指導員其後赴美國入學從師等等皆師之指導在外長久時期得師之航空手諭多至四五十通」

兩取幽燕鎮北疆滇康跋涉美山川主持研究尤辛苦耳順當前慶有年「民國廿九年中英庚款董事會成立中國地理研究所師任籌備主任隨改任首任所長以至於今」

國是共謀推愛許千瘡百病此神州運籌端賴方輿學設計從長賴老頭「師又主持中央設計局地理設計主任」

落葉滿天聞內戰已起付以吟哀 十一月八日

萬里天高潔吟懷不禁豪陶公花怒放黃葉總蕭蕭

慘見秋狼藉王孫故國情闌騷心腹病安得息刀兵

午夜思鄉兼悉政府准外蒙古獨立矣 十一月九日

頻年浩劫剩殘荒塗炭生命哭斷匪漠北忽然非國土遼東依舊是宗邦逢秋輒慕陶彭澤鄉思彌深杜草堂
抗戰有功虧一簣揮毫得句痛偏長

惜秋 十一月十四日

省識繁榮一日收，閉門思過又藏羞。黑人搗碎黃金去，太息秋光不我留。〔美京清道夫頗多尼格諾人〕

大雪中遣興 十二月十日

但擁書城不計錢，心隨今古頓如天。自慚祇是偷安久，又是隆冬雪滿天。

元旦 民國三十五年

艱難慘勝有今年，但見流亡不計千。羈旅一生無限恨，愁癡五內奈何天。羣黎草莽安能飽，國族飄搖未易眠。依舊雞鳴家萬里，太平在望也茫然。

羅志希師被邀向國內廣播師遂建議由我文化界贈梅花五千株

植美京林肯紀念堂一帶羅師以其講稿見示因草一絕奉謝

一月三日

華府重遊新建議邦交彌篤獻花林，他年欣賞寒梅客應謝。羅公用苦心，〔羅師曾出席前次歐戰後之華盛

頓會議〕

詩賀龔二姑母八旬華誕 一月廿六日

人間幾個齊彭壽，次第吾家有一雙。康健之風成世襲，淵源直可詒長江。【祖母劉氏享年八十五歲】
弗克稱觴禮未恭，天涯綬句恨無窮。流年彈指期願近，維嶺麻姑淑德功。
壽際年終慶日中，彤光渤海大家風。西風一任摧蒲柳，贏得喬松勁若龍。
大節宗邦慘勝餘，孫曾膝下繞依依。還齡爲道前朝事，舜日堯天自可期。

打預防針起劇烈反應臥床已第二日 二月廿八日

二月須臾過無詩，總不堪送窮文。乏稿買棹事真難，兩臂羅羅醫箭千金掉。重瘡壯士無顏日，床頭惜早寒。

賞春與劉作舟兄唱和詩 三月後半月

莘莢競笑柳纖腰，此日櫻花慘不驕。惆悵漲潮池上客，如烟如霧雨毛毛。
春到江頭舞柳腰，漲潮池上美人嬌。花時堪賞真宜莫，待無花老二毛。
歲歲花時賽楚腰，佳人勝日亦何嬌。鶯鶯燕燕爭春語，綠樣垂垂炫髮毛。
花間窈窕似蜂腰，畢竟佳人媚更嬌。但舞羅裙作飛燕，玲瓏輕捷過鴻毛。
一着春衫顯細腰，綠肥紅瘦及時嬌。飄零已久無心事，五月宜歸入不毛。
章台最擅小蠻腰，無限輕盈惹態驕。愁殺陽春行遠客，楊花一片似飛毛。

高士從來不折腰，跳梁小丑應無驕。乾坤正氣誰能顯，合借長空試羽毛。

三月末日國會山頭偶成

落盡華英三月盡，綠肥鮮嫩座吟身。海棠花下紅英滿，爲惜人間二八春。

次和劉作舟兄原韻

四月初半月

總覺長春應有時，微前嬌後益相疑。田園荒蕪依然我，歸趁良辰借一枝。

在川詠事日增新，城外頻年試好身。美雨歐風吹洗後，宗邦有幸自成春。〔在川爲作舟兄號兄，在英苦幹五年，得博士來美，又四五年矣。〕

那管人間似濁流，竭來域外也優遊。闌牆腹痛憑誰治，國計生民賴自謀。士氣銷沉今益盛，邦基不固直如浮。待時品茗青雲閣，漫與吟詩掃葉樓。白下湖山長在目，天涯風雨恨成邱。忠恕立身千里馬，飄零向學我吳牛。由來定理堪爲法，祇有良材可作舟。赤日行天，咸畏夏太平。高士獨悲秋。〔青雲閣在南京夫子廟掃葉樓在清涼山。〕

答作舟兄

四月二十日

空前浩劫誤歸期，小住書城益智疑。西渡太平向西蜀，到家應是麥秋時。

傷時

用劉長卿新年作韻

四月二十七日

歸心新轉切春好獨悽然負笈行天下安邦治地先垂危民氣暮好亂國風烟已處艱難境艱難又幾年

散步得句

五月一日

縱橫故紙偶神索興娛閒想盛唐出戶啾啾隨所適春殘花尚鬱金香

由金門公園沿太平洋岸步行至金門大橋

五月二十六日

散步金門外徐生美國遊海天何限關人地合如流衣上征塵見心中詠事休偷安即無日盟又結銀鷗

由溫哥華西航之第三日閒吟

六月十八日

一洋墨水浪花白偶見黑雲無日色三兩海鷗逐船飛慈航中有閒吟客

歸航舟中次和黎照寰先生賜示各詩

車

兒女情深見別時情深每若無知舟中偏是無情物總向天涯海角移
初度賓游渡海洋歸程頻感客途長江河漫衍神州內珠淚揮來向故鄉
兄弟操戈心腹疾大好山河將不識民生塗炭可如何兩敗俱傷無補益

事事推陳總出新終於宇宙亦成塵塵亘古今爲基地利天時豈迫人

海關天空應自由運朝濃霧客心憂胸懷不展身如縛未有閒情但有愁

盆見人間似濁流大同輿渺果何求新陳代謝天然事除却興亡總末由【以上六月廿二日】

不見天和日汪洋大霧時南針爲至寶黃帝是先知

四海優游日今朝次謂時竭來歸去晚孺子復何知

國步艱難日豆箕相迫時興邦際多難先哲致良知【以上六月廿五日】

藍潮島過東京近兩岸青山夾水寒旭日旌旗今不見大和炎焰舊曾看投降忍辱圖生聚遠慮深謀合久安
慈殺橫濱船上客無端訪問燒欄桿【吾輩所乘邁格斯將軍號爲戰後由美駛華之第一艘定期商船不幸

到橫濱後乘客皆不得登岸參觀】

天時方盛暑世態若奇寒種族分顏色東西另眼真

做够天涯客偷安意未安浮宮觀海國日夕倚欄杆

華胄身饑復智饑內來內戰盡兒嬉資源浪費殊堪惜欲挽狂瀾自可期【以上六月廿九日即入國門前一

日】

到家感賦

七月廿日

八載天涯客始歸村前龍眼實垂垂思親有淚揮何用秋到孫兒摘果期「村前龍眼二十株皆伯母樊氏三十年前植」


兄樂家居弟樂書深宜本草未懸壺何當濟世千金手梓里風光應未殊「家兄大祿與羅嫂遷離故居已十八年致房屋皆破倒無人過問家兄頗知國醫以未執業致家計成問題」

此次還鄉謬蒙宗人優渥長幼咸謂宜留紀念因擇日宴族衆於祠堂送匾以敬祖先文曰「本本水源」示未能免俗耳復附七絕四首於匾上詩曰 八月廿七日成

東海宗風世澤長韓江源上舊家鄉入川二百餘年事德惠津瀘勢更張「德惠祖入川落業於瀘縣之土祖廟今吾族繁衍瀘縣江津間」

井村咫尺渡牛灘四野農田間碧習一得莊兄家境迫年年負笈鮮承歡「家在江津朱家沱西南八里之鄉井近渡牛灘橋著者之族名爲念莊長輩每呼莊兄」

忝習方輿知世界國危祇爲國謀疏南州有士傷時急把管難忘是鄙夫冒昧推敲未學詩家君翰墨欲無辭吟風弄月娛閒事萬里歸來大壩祠「家父鶴眉以詩文見稱於鄉里不幸三十四卽物故徐氏宗祠在朱家沱西五里之大壩頭」



83

725-

133

謝育明

THE UNIVERSITY OF CHICAGO





100

19

672

10

10

10

1992

10

1

10

10

中華民國三十六年六月出版

非賣品

版權所有
翻印必究

著

者

徐

近

之

發

行

者

徐

近

之

印

刷

者

杭

州

當

代

出

版

社

地址：中正街謝麻子巷六號

82

782973

(00)